

UPUTA O LIJEKU

IRUZID 10

10 mg+12,5 mg, tableta
lizinopril, hidrohlorotiazid

Prije upotrebe lijeka pažljivo pročitajte ovu uputu.

Uputu nemojte baciti. Kasnije ćete je možda trebati ponovo pročitati.

Ako trebate dodatne informacije, zatražite ih od svog ljekara ili farmaceuta.

Ljekar je propisao ovaj lijek samo za Vas. Nemojte ga davati nikom drugom jer bi mu mogao naškoditi, čak i ako ima simptome jednake Vašima.

Ako primijetite bilo koju nuspojavu, potrebno je obavijestiti Vašeg ljekara ili farmaceuta. To uključuje i svaku moguću nuspojavu koja nije navedena u ovoj uputi. Pogledajte dio 4.

U ovoj uputi možete pročitati sljedeće:

1. Što je IRUZID 10 i za što se koristi
2. Prije nego počnete uzimati IRUZID 10
3. Kako uzimati IRUZID 10
4. Moguće nuspojave
5. Kako čuvati IRUZID 10
6. Dodatne informacije

1. ŠTA JE IRUZID 10 I ZA ŠTA SE KORISTI

IRUZID 10 tablete primjenjuju se u liječenju povišenog krvnog pritiska (hipertenzija). IRUZID 10 je kombinacija dviju aktivnih supstanci, lizinopрила i hidrohlorotiazida.

- Lizinopril pripada skupini lijekova koji se nazivaju ACE-inhibitori i djeluje tako što širi krvne žile.
- Hidrohlorotiazid pripada skupini lijekova koji se nazivaju diuretici. Ovaj lijek pomaže tijelu da se oslobodi viška vode i soli kao što je natrij u urinu.

Ovi lijekovi djeluju zajedno kako bi snizili krvni pritisak.

2. PRIJE NEGO POČNETE UZIMATI IRUZID 10

Nemojte uzimati IRUZID 10 ako:

- ste ikada imali alergijsku reakciju (ako ste preosjetljivi) na lizinopril, hidrohlorotiazid ili neki drugi sastojak lijeka (vidi dio 6.)
- ste ranije uzimali neki od lijekova iz iste skupine (ACE-inhibitori) i imali alergijsku reakciju (angioedem) koja je uzrokovala iznenadno oticanje ruku, nogu ili zglobova, lica, usana, jezika i/ili grla uz otežano disanje ili gutanje
- ste ikada imali alergijsku reakciju na sulfonamide ili ACE inhibitore. Ako niste sigurni da li se navedeno odnosi na Vas, obratite se svom ljekaru
- imate nasljedni angioedem (stanje koje Vas čini sklonijim ozbiljnim alergijskim reakcijama opisanim gore). Ako niste sigurni da li se navedeno odnosi na Vas, obratite se svom ljekaru
- ako ste uzimali ili trenutno uzimate sakubitril/valsartan, koji se koristi za liječenje jedne vrste dugoročnog (kroničnog) zatajivanja srca u odraslih, jer je u tom slučaju povećan rizik od angioedema (naglo oticanje potkožnog tkiva na području kao što je vrat)
- ako uzimate bilo koji od sljedećih lijekova, rizik od angioedema može biti povećan:
 - racekadotril, koji se koristi za liječenje proljeva;
 - lijekove koji se koriste za sprječavanje odbacivanja presađenih organa i za liječenje raka (npr. temsirolimus, sirolimus, everolimus);
 - vildagliptin, koji se koristi za liječenje šećerne bolesti.
- ste trudni više od 3 mjeseca (iako je bolje izbjegavati IRUZID 10 i tokom rane trudnoće - vidi poglavlje *Trudnoća i dojenje*)
- imate ozbiljnih problema s bubrezima
- imate ozbiljnih problema sa jetrom
- ste prestali mokriti
- imate šećernu bolest ili oštećenu funkciju bubrega i liječite se lijekom za snižavanje krvnog pritiska koji sadrži aliskiren.

Nemojte uzimati IRUZID 10 ako se bilo šta od prethodno navedenoga odnosi na Vas. Ako niste sigurni obratite se svom ljekaru ili farmaceutu.

Upozorenja i mjere opreza

Posavjetujte se sa svojim ljekarom ili farmaceutom prije nego počnete uzimati IRUZID 10 ako:

- imate suženje (stenozu) aorte (aorta je najveća krvna žila koja izlazi iz srca)
- imate suženje (stenozu) bubrežne arterije
- imate zadebljanje srčanog mišića (hipertrofičku kardiomiopatiju)
- imate bolest krvnih žila (kolagena bolest krvnih žila)
- imate niski krvni pritisak (koji se može očitovati kao omaglica i ošamućenost, posebice pri ustajanju)
- imate bolest bubrega, odnosno idete na dijalizu ili imate presađen bubreg
- imate bolest jetre
- imate šećernu bolest
- uzimate bilo koji od lijekova navedenih u nastavku, koji se koriste za liječenje visokog krvnog pritiska: blokator angiotenzin II receptora (ARB) (nazivaju se i sartanima - primjerice valsartan, telmisartan, irbesartan), osobito ako imate bubrežne tegobe povezane sa šećernom bolešću, aliskiren.
- ste nedavno imali proljev ili obilno povraćanje
- ste na dijeti sa smanjenim unosom soli
- imate povišenu razinu holesterola te idete na tzv. LDL aferezu
- imate sistemski eritemski lupus
- ste crne rase jer IRUZID 10 u Vas može biti manje djelotvoran. Također, može se očekivati češća pojava teške alergijske reakcije (tzv. angioedem), čiji simptomi su oticanje ruku, nogu, zglobova, lica, usana, jezika ili grla
- uzimate bilo koji od lijekova navedenih u nastavku, rizik pojave teške alergijske reakcije (tzv. angioedem), je visok: sirolimus, everolimus i drugi lijekovi koji spadaju u skupinu mTOR inhibitora (koriste se za sprječavanje odbacivanja transplantiiranih organa)
- ako ste imali rak kože ili ako Vam se pojavi neočekivana lezija (promjena) na koži tokom liječenja. Liječenje hidroklorotiazidom, naročito dugotrajna primjena uz visoke doze, može povećati rizik od nekih vrsta raka kože ili usana (nemelanomski rak kože). Zaštitite svoju kožu od izlaganja suncu i UV zrakama za vrijeme uzimanja lijeka IRUZID.
- ako primijetite slabljenje vida ili osjetite bol u očima. To mogu biti simptomi nakupljanja tekućine u sloju oka u kojem su smještene krvne žile (efuzija žilnice) ili povećanja pritiska u oku, a mogu nastupiti u roku od nekoliko sati do sedmicu dana nakon uzimanja ovog lijeka. Ako se ne liječi, može dovesti do trajnog oštećenja vida. Ako ste ranije imali alergiju na penicilin ili sulfonamide, možete biti izloženi većem riziku od razvoja ove bolesti.

Morate reći svom ljekarom ako mislite da ste trudni ili ako planirate trudnoću. Ne preporučuje se primjena IRUZID 10 tableta u ranoj trudnoći. Ako ste trudni duže od 3 mjeseca, ne smijete uzimati IRUZID 10 (vidi poglavlje *Trudnoća i dojenje*), jer može izazvati ozbiljna oštećenja ploda.

Ako se nešto od gore navedenog odnosi na Vas ili, pak, niste sigurni, javite se svom ljekarom ili farmaceutu.

Tretmani alergija, kao npr. ubodi insekata

Obavijestite svog ljekara ukoliko idete ili namjeravate ići na tzv. postupak desenzibilizacije zbog alergije, npr. na ubode insekata.

Terapija IRUZID 10 tabletama za vrijeme takvih postupaka može izazvati ozbiljne alergijske reakcije.

Operativni zahvati

Obavijestite svog ljekara ukoliko idete na neki operativni zahvat.

Recite svom ljekarom ili stomatologu da uzimate IRUZID 10 tablete prije nego što Vam primjeni lokalnu ili opću anesteziju. Naime, ako se IRUZID 10 tablete uzimaju istovremeno s nekim anestetima, može doći do kratkotrajnog pada krvnog pritiska.

Uzimanje drugih lijekova s IRUZID 10 tabletama

Vrlo je važno da obavijestite svog ljekara o svim lijekovima koje uzimate ili ste nedavno uzimali, uključujući i one koje ste nabavili bez ljekarskog recepta (uključujući i biljne lijekove i dijetetske pripravke). Naime, neki lijekovi mogu djelovati na učinkovitost drugih lijekova, ako se uzimaju istovremeno.

Ljekar će Vam možda morati promijeniti dozu i/ili poduzeti druge mjere opreza.

Obavijestite svog ljekara ili farmaceuta ako uzimate neke od sljedećih lijekova:

- neke druge lijekove za snižavanje krvnog pritiska
- Blokatore Angiotenzin II receptora ili aliskiren
- Lijekove koji snižavaju nivo Kalijuma u krvi (hipokalemija) kao što su diuretici (lijekovi koji povećavaju izlučivanje mokraće)
- nesteroidne antireumatike (lijekove koji se primjenjuju za liječenje artritisa i bolova u mišićima), kao što je npr. Aspirin, Ibuprofen i Indometacin
- acetilsalicilnu kiselinu u dozi većoj od 3 g na dan
- lijekove za liječenje depresije (triciklični i tetraciklični antidepresivi)
- lijekovi za liječenje psihičkih bolesti, uključujući litij
- nadomjeske kalija (uključujući nadomjeske soli), diuretike koji štede kalij i druge lijekove koji mogu povećati količinu kalija u krvi (npr. trimetoprim i kotrimoksazol za bakterijske infekcije; ciklosporin, imunosupresijski lijek koji se koristi za sprječavanje odbacivanja presađenih organa; i heparin, koji se koristi za razrjeđivanje krvi radi sprječavanja nastanka krvnih ugrušaka)
- Kotrimoksazol (antibiotik) poznat kao trimetoprim/sulfametoksazol
- soli kalcija ili dodatke vitamina D
- lijekove za liječenje šećerne bolesti, kao što je npr. inzulin ili oralni antidijabetici. Vaša doza lijeka za liječenje šećerne bolesti će možda morati biti izmijenjena prilikom uzimanja tiazid diuretika.
- lijekove za liječenje astme
- pripravci koji se primjenjuju kod začepljenosti nosa i sinusa te ostali pripravci protiv simptoma prehlade (uključujući i one koji se mogu kupiti bez ljekarskog recepta)
- imunosupresive (lijekove koji suzbijaju imunološku reakciju organizma), npr. ciklosporin
- alopurinol (lijek za liječenje gihta)
- prokainamid (lijek za liječenje poremećaja otkucaja srca)
- lijekovi koji sadrže zlato, uključujući natrijev aurotiomalat, koji se primjenjuju u obliku injekcije a koriste se kod liječenja reumatoidnog artritisa
- lijekove za srce (digoksin) ili drugi lijekovi koji se koriste za kontrolu srčanog ritma
- sotalol (beta blokator)
- amfotericin B (lijek za liječenje gljivičnih infekcija)
- karbenoksolon (lijek za liječenje vrijeda (čira) jednjaka ili usta)
- kortikosteroide (lijekovi koji utječu na upalni odgovor organizma)
- kortikotropin (hormon)
- lijekovi za liječenje zatvora stolice (laksative)
- lovastatin (za snižavanje holestereola u krvi)
- kolestiramin i kolestipol (lijekovi za sniženje holesterola u krvi, sprječavanje proljeva ili ublažavanje svrbeža)
- lijekove za opuštanje mišića (tubokurarin)
- trimetoprim (antibiotik)
- dekstran sulfat (lijek za liječenje stanja LDL afereze, za sniženje holesterola u krvi)

Sljedeći lijekovi mogu povećati rizik od angioedema (čiji simptomi su oticanje ruku, nogu, zglobova, lica, usana, jezika ili grla):

- Lijekovi za razbijanje ugrušaka krvi (tkivni aktivator plazminogena) obično se daju u bolnicama
- Lijekovi koji se daju da bi se spriječilo odbacivanje transplatiranih organa (sirolimus, everolimus i ostali lijekovi koji spadaju u skupinu mTOR inhibitora), (vidi dio 2. Upozorenja i mjere opreza)
- Racekadotril lijek za liječenje dijareje
- ostale lijekove koji mogu izazvati poremećaj rada srca poznat kao *torsades de pointes*.

Nizak krvni pritisak može se pogoršati sa alkoholom, barbituratima ili anestetima. Možete osjetiti nesvjesticu prilikom podizanja u stojeći položaj.

Trudnoća i dojenje

Trudnoća

Obavijestite ljekara ako mislite da ste trudni ili uskoro namjeravate zatrudnjeti. Ljekar će preporučiti prestanak primjene IRUZID 10 tableta prije nego zatrudnite ili odmah nakon potvrde trudnoće te Vam savjetovati da umjesto IRUZID 10 tableta uzimate drugi lijek.

Ne preporučuje se primjena IRUZID 10 tableta u ranoj trudnoći.

Ako ste trudni duže od 3 mjeseca, ne smijete uzimati IRUZID 10 jer njegova primjena nakon trećeg mjeseca trudnoće može izazvati teško oštećenje djeteta.

Dojenje

Obavijestite ljekara ako dojite ili planirate dojit. Ne preporučuje se primjena IRUZID 10 tableta u dojilja. Ako odlučite dojit (osobito ako se radi o novorođenčetu ili nedonoščetu), ljekar može izabrati drugu terapiju.

Upravljanje vozilima i mašinama

Ovaj lijek može utjecati na sposobnost upravljanja vozilima i mašinama, posebno na početku liječenja, tokom prilagodbe doze ili pri istovremenoj primjeni s alkoholom. U slučaju reakcije na lijek, nemojte voziti niti upravljati mašinama.

Zato se prije navedenih aktivnosti preporučuje da utvrdite kako reagirate na uzimanje ovog lijeka.

3. KAKO UZIMATI IRUZID 10

Važno je da uzimate lijek onako kako Vam je odredio Vaš ljekar. Ako niste sigurni kako trebate uzimati ovaj lijek, zatražite savjet svog ljekara ili farmaceuta.

Kada započnete terapiju IRUZID 10 tabletama ljekar Vam može uraditi krvne pretrage, te na osnovu njih prilagoditi dozu lijeka, kako biste uzimali odgovarajuću količinu lijeka.

Uzimanje lijeka

Progutajte tabletu s dovoljnom količinom vode (1 čaša).

Uzimajte tablete svaki dan otprilike u isto vrijeme. IRUZID 10 tablete se mogu uzimati prije ili poslije jela.

Nastavite uzimati IRUZID 10 tablete onako dugo koliko Vam je ljekar rekao, to je dugotrajna terapija. Važno je da uzimate tablete svaki dan.

Uzimanje prve doze

Budite osobito oprezni kada prvi puta primjenjujete IRUZID 10 tablete ili nakon povećanja doze IRUZID 10 tableta. Pri uzimanju prve doze može doći do jačeg pada krvnog pritiska nego kasnije tokom dugotrajne primjene. To se može očitovati kao vrtoglavica i ošamućenost, a ti se simptomi mogu smanjiti ako legnete. Ukoliko Vas to zabrinjava, obratite se za savjet ljekaru.

Odrasli

Uobičajena doza je jedna tableta jedanput na dan. Ljekar će Vam propisati odgovarajuću jačinu lijeka. Ljekar Vam može povećati dozu na dvije tablete, primijenjene jedanput na dan.

Djeca

IRUZID 10 nije namijenjen za primjenu u djece.

Ako uzmete više IRUZID 10 tableta nego što ste trebali

Ako uzmete više IRUZID 10 tableta nego što ste trebali, odmah se obratite svom ljekaru ili u najbližu zdravstvenu ustanovu. Sa sobom ponesite tablete ili ovo uputstvo kako bi zdravstveno osoblje znalo koji ste lijek uzeli.

Ako ste zaboravili uzeti IRUZID

Ako ste zaboravili uzeti IRUZID 10, propuštenu dozu lijeka uzmite što prije. Međutim, ako je uskoro vrijeme za sljedeću dozu, tada preskočite propuštenu dozu lijeka. Nemojte istovremeno uzeti dvije doze lijeka kako biste nadoknadili dozu koju ste zaboravili uzeti.

Prestanak primjene IRUZID 10 tableta

Nemojte prestati uzimati IRUZID 10 unatoč tome što se dobro osjećate, sve dok Vam to ljekar ne kaže.

U slučaju bilo kakvih nejasnoća ili pitanja u vezi s primjenom IRUZID 10 tableta, obratite se svom ljekaru ili farmaceutu.

4. MOGUĆE NUSPOJAVE

Kao i svi drugi lijekovi IRUZID 10 može izazvati nuspojave, iako se ne moraju javiti kod svakoga. IRUZID 10 sadrži dva lijeka, lizinopril i hidrohlorotiazid. Dole navedene nuspojave zabilježene su tokom primjene oba lijeka, stoga se mogu javiti i pri primjeni IRUZID 10 tableta. Ljekar Vam s vremena na vrijeme može uraditi krvne pretrage, kako bi provjerio da li IRUZID 10 ima utjecaj na Vašu krv.

Moguće nuspojave pri primjeni lizinopрила

Ako imate neku od sljedećih reakcija pri uzimanju lijeka, prestanite uzimati IRUZID 10 i odmah se javite ljekaru:

- teška alergijska reakcija (rijetka nuspojava koja se pojavljuje u manje od 1 slučaja na 1.000 bolesnika). Ova reakcija uključuje naglu pojavu otekline lica, usana, jezika i/ili grla, što može izazvati otežano gutanje. Također, moguća je pojava teškog i naglog oticanja ruku, nogu i gležnjeva, poteškoće s disanjem, ili jak svrbež kože (sa čvorastim izbočenjima).
- težak poremećaj rada jetre (vrlo rijetka nuspojava, koja se pojavljuje u manje od 1 slučaja na 10.000 bolesnika). Može doći do pojave žute boje kože i bjeloočnica, tamno obojenog urina ili gubitka apetita.

Ostale moguće nuspojave

Često (pojavljuju se u manje od 1 slučaja na 10 bolesnika):

- glavobolja
- omaglica ili ošamućenost, osobito pri naglom ustajanju
- nesvjestica
- proljev
- mučnina i povraćanje
- kašalj
- bubrežne tegobe (s odstupanjima u rezultatima krvnih pretraga).

Manje često (pojavljuju se u manje od 1 slučaja na 100 bolesnika):

- promjene raspoloženja, uključujući simptome depresije
- promjena boje prstiju na rukama i nogama
- osjećaj obamrlosti i trnaca u prstima ruku i nogu
- promjena osjeta okusa
- pospanost
- vrtoglavica
- poteškoće sa spavanjem
- Nagli pad krvnog pritiska se može dogoditi kod ljudi koji: imaju koronarnu bolest srca, suženje srčane arterije, bubrežne arterije ili srčanih kanala, uvećan srčani mišić. Ako Vam se ovo dogodi možete osjetiti vrtoglavicu ili svjetlucanje naročito ako ustanete naglo.
- moždani ili srčani udar
- poremećen rad srca
- curenje iz nosa
- mučnina
- bolovi u trbuhu i poremećaj probave
- kožni osip i svrbež
- problemi s erekcijom (impotencija)
- osjećaj umora i slabosti (gubitak snage)
- odstupanja u rezultatima krvnih pretraga koje pokazuju rad jetre
- povišene vrijednosti nekih supstanci u krvi (urea, kreatinin, kalij).

Rijetko (pojavljuju se u manje od 1 slučaja na 1.000 bolesnika):

- zbunjenost
- promjena osjeta mirisa
- suha usta
- koprivnjača (urtikarija) sa tamno crvenim, čvorastim izbočenjima koja svrbe
- gubitak kose
- psorijaza

- promjene nekih stanica krvi s pojavom umora i bljedoćom
- infekcija krvi
- nagli poremećaj rada bubrega
- povećanje dojki u muškaraca
- Sindrom nepravilnog lučenja antidiuretskog hormona (SIADH)
- snižene vrijednosti natrija u krvi što može uzrokovati slabost, umor, glavobolju, mučninu, povraćanje i grčeve.

Vrlo rijetko (pojavljuju se u manje od 1 slučaja na 10.000 bolesnika):

- poremećaj koštane srži ili smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili pojavu masnica ili krvarenja
- povećanje limfnih čvorova
- pojačan imuni odgovor organizma (autoimune bolesti)
- pad razine šećera u krvi (hipoglikemija) uz moguću pojavu osjećaja gladi ili slabosti, znojenja i ubrzanog rada srca
- iznenadno hripanje u prsima ili kratak dah (bronhospazam)
- upala pluća (uz osjećaj nedostatka zraka)
- upala sinusa (bol i osjećaj pritiska u području obraza ili očiju)
- upala pluća s povećanim brojem krvnih stanica, eozinofila. Znakovi bolesti uključuju kombinaciju upale sinusa, stanje poput gripe, osjećaj sve većeg nedostatka zraka, boli u području želuca ili crijeva, kožni osip te osjećaj trnaca i iglica ili obamrlosti u nogama ili rukama.
- upala gušterače, koja je praćena umjerenom do jakim boli u truhu
- oticanje stjenke crijeva, praćene naglom boli u želucu, proljevom ili povraćanjem
- teške promjene kože ili osip, uključujući crvenilo, pojavu mjehura i ljuštenje kože, što se može razviti naglo i može zahvatiti usnu i nosnu šupljinu
- znojenje
- smanjeno mokrenje ili potpuni prestanak mokrenja.

Nepoznato (učestalost se ne može procijeniti iz dostupnih podataka)

- vidjeti, osjetiti ili čuti stvari koje ne postoje (halucinacije)
- blijedenje (svijetljenje) kože

Moguće nuspojave pri primjeni hidrohlorotiazida (nepoznata učestalost)

- upala žlijezde slinovnice
- smanjenje broja krvnih stanica i krvnih pločica, što može uzrokovati umor, infekciju (koja može biti teška), vrućicu, osjećaj zaduhe ili bržu pojavu masnica ili krvarenja
- gubitak apetita
- povišenje razine šećera u krvi
- pojava šećera u urinu
- povišena razina urične kiseline u krvi
- promjene razine nekih supstanci u krvi (npr. natrij i kalij) uz pojavu mišićne slabosti, žeđi, osjećaja trnaca i iglica, grčevi i mučnina
- povišene ili visoke vrijednosti masti u krvi (uključujući kolesterol)
- osjećaj nemira
- depresija
- poteškoće spavanja
- osjećaj trnaca i iglica
- ošamućenost
- kratkotrajno zamagljen vid ili poremećaj vida kada stvari izgledaju žuto
- oštar bol u predjelu očiju sa crvenilom i iznenadnim zamagljenjem vida. Ako osjetite iznenada simptome bolnih i crvenih očiju, odmah se obratite ljekaru, možda će biti neophodno uvođenje terapije kako bi se spriječio trajni gubitak vida
- vrtoglavica
- nesvjestica (posebno pri ustajanju)
- oštećenje krvnih žila s pojavom crvenih ili ljubičastih mrlja po koži
- poteškoće s disanjem. Može se javiti osjećaj nedostatka zraka zbog upale pluća ili prisutnosti tekućine u njima.
- iritacija želuca
- proljev
- zatvor stolice
- upala gušterače s pojavom umjerene do jake boli u truhu

- žuta boja kože ili bjeloočnica (žutica)
- kožni problemi uključujući osip uzrokovan osjetljivošću na sunčevo svjetlo, težak oblik osipa s naglim nastankom, uz pojavu mjehura ili ljuštenja kože te pojavom mjehura u ustima, pogoršanje postojećih reakcija sličnih eritemskom lupusu ili pojava neobičnih kožnih reakcija
- alergijske reakcije
- mišićni grčevi i slabost mišića
- poremećaj bubrega, koji može biti ozbiljan (vidljivo iz krvnih pretraga)
- vrućica
- slabost (gubitak snage)
- rak kože i usana (nemelanomski rak kože)
- oslabljen vid ili bol u očima zbog visokog pritiska (mogući znakovi nakupljanja tekućine u sloju oka u kojem su smještene krvne žile (efuzija žilnice) ili akutnog glaukoma zatvorenog kuta)

Nemojte biti zabrinuti zbog gore navedenih nuspojava. Možda se kod Vas neće pojaviti niti jedna.

Ako primijetite da je nuspojava postala ozbiljna ili uočite nuspojavu koja nije navedena u uputstvu, obavijestite o tome svog ljekara ili farmaceuta.

Prijavljivanje sumnje na neželjena dejstva lijeka

Ako primijetite bilo koju nuspojavu, potrebno je obavijestiti ljekara ili farmaceuta.

U slučaju bilo kakvih neželjenih reakcija nakon primjene lijeka, potrebno je obavijestiti Vašeg ljekara ili farmaceuta. Ovo podrazumijeva sve moguće neželjene reakcije koje nisu navedene u ovom uputstvu o lijeku, kao i one koje jesu.

5. KAKO ČUVATI IRUZID 10

Lijek treba čuvati izvan dohvata i pogleda djece!

Lijek treba čuvati pri temperaturi do 25°C u originalnom pakovanju.

Rok valjanosti:

Tri (3) godine od datuma proizvodnje navedenog na pakovanju!

Lijek se ne smije primijeniti nakon isteka roka valjanosti navedenog na pakovanju!

Lijekovi se ne smiju odlagati putem kućnih otpadnih voda ili kućnog otpada. Pitajte farmaceuta kako odlagati lijekove koje više ne trebate. Takvim ponašanjem čuvamo naš okoliš.

6. DODATNE INFORMACIJE

Šta sadrži IRUZID 10 tableta

Aktivne supstance su: lizinopril i hidrohlorotiazid

Iruzid 10: 10+12,5 mg tableta: jedna tableta sadržava 10 mg lizinopрила u obliku lizinopril dihidrata i 12,5 mg hidrohlorotiazida.

Pomoćne supstance:

Iruzid 10: 10+12,5 mg tableta: manitol (E421); kalcijev hidrogenfosfat dihidrat; kukuruzni škrob; škrob, prethodno geliran; magnezijev stearat; boja indigo carmine (E132).

Kako IRUZID 10 tableta izgleda i sadržaj pakovanja

Iruzid 10, 10+12,5 mg tablete: plave, bikonveksne i heksagonalne tablete.

Iruzid 10, 10+12,5 mg tablete: 30 (1x30) tableta u PVDC/PVC/Al blisteru, u kutiji.

Režim izdavanja lijeka:

Lijek se izdaje uz ljekarski recept.

Proizvođač:

FARMAVITA d.o.o. SARAJEVO

Igmanska 5a, 71320 Vogošća

Bosna i Hercegovina

Proizvođač gotovog lijeka:

FARMAVITA d.o.o. SARAJEVO

Igmanska 5a, 71320 Vogošća, Bosna i Hercegovina

Nosilac dozvole za stavljanje lijeka u promet

Farmavita d.o.o. Sarajevo

Igmanska 5a, 71320 Vogošća, Bosna i Hercegovina

Broj i datum rješenja o dozvoli za stavljanje lijeka u promet:

IRUZID 10: 04-07.3-2-6089/18 od 11.03.2019.